

Ինչո՞ւ պէտք է Ձուիկ եւ Անուշվուամ, Արծրու-  
նի քոյրեր մէկը Մամիկոնեան, միւսը՝ մեծ  
բղէշի տիկին այնքան մայրական խնամք տա-  
ծէին մի գեղջուկ տղայի:

Նոր մեկնութիւնը նոր դժուարութիւններ  
է յարուցանում:

Հաւանականն այն է, որ խօսքը աշխարհա-  
յին ազատութեան մասին չէ, այլ հոգեւոր:  
Կրօնաւորի, ուրեմն եւ Ղազարի աչքում, բոլոր  
աշխարհականները ծառայ են, ազատ թէ գեղ-  
ջուկ: Իսկական ազատը նա է, որ «ազատեալ է  
ի Քրիստոս», փրկուած է «ի ծառայութենէ աշ-  
խարհիս»: Այդ ազատութիւնն երաշխաւորում  
է պարեգօտը, հոգեւոր կոչումը: Աղան, որի  
մօտ «սնեալ եւ ուսեալ է» Ղազարը, տալով  
նրան եւ պարեգօտ, դառնում է «ազատութեան  
առիթ»:

Այսպիսով թեթեւացրած կը լինի Ղազարի  
վիճակը: Աշխարհից փրկելը աւելի դիւրին է  
քան «ճորտութիւնից»:

Դժուար թէ կարելի է ողջունել Խորենա-  
ցու «փախչողք ի ժառանգութենէ» խօսքի նո-  
րալուր մեկնութիւնը: Ժառանգութիւն իբրեւ  
թէ շինականների հոգաբաժինն է այնպիսի  
ծանր պայմանների ներքոյ, որ նրանք չէին ու-  
զում մշակել եւ դերազատում էին փախչելով  
ազատուել աշխատանքից:

Նախ մեր պատմահայրը շինականների մա-  
սին չէ խօսում, այլ ժողովրդականների, որոնց  
անուանում է «վէսք, ստահակք, մեծախօսք,  
անվաստակք, արբեցողք, վնասակարք»: Եթէ  
ոչ վերջին երեք ածականները գոնէ առաջին  
երեքը ոչ մի կերպ չեն յարմարում ճնշուած  
ճորտերին: Խորենացու ողբը որպէս մի քեր-  
թուած վատ աղբիւր է պատմութեան, եթէ է:  
Վարդապետների, կրօնաւորների, վիճակաւոր-  
ների, աշակերտների, ժողովականների, զօրա-  
կանների, իշխանների եւ դատաւորներին վե-  
րադրած Աղամայ եօթ մեղքերը նոյնչափ ստոյգ  
են որքան «տարեց փոփոխել զքնութիւնս իւր-  
եանց»: Եթէ մի բան կայ, որ վերաբերում հայ  
կեանքին այդ է «յօտարութիւն վտարումն ա-  
զատաց եւ անթիւ նեղութիւնք ռամկաց»:

Այս տողի հեղինակը չի կարող ամբաստա-  
նել որ ռամիկը փախչում է իր հողից: Աւելի  
բնական է ըմբռնել ժառանգութիւնը սովորա-

կան իմաստով, այսինքն որ «ժողովրդականք  
վէսք, ստահակք» փախչում էին հոգեւոր կո-  
չումից, չէին ուզում եկեղեցուն ծառայել:

Պ. Մանանդեանի առարկութիւնը՝ թէ եկե-  
ղեցականութիւնը արտօնեալ վիճակ է, ուստի  
անհեթեթ կը լինի կարծել որ նրանից խուսա-  
փում էր ժողովուրդը, անարժէք է: Արտօնու-  
թեան կից կայ եւ ծանր պատասխանատուութիւն  
եւ պահանջ: Ահա Պապ եւ Աթանաղոսէս թող-  
նում են «հոգեւոր պատիւը», եւ մերժելով  
«զանձինս իւրեանց ի ժառանգութենէ Աստու-  
ծոյ»: Ողբի իմաստն հէնց այն է որ մարդիկ  
այնքան փչացել են, որ հրաժարւում են անգամ  
հոգեւոր բարձր կոչումից: Ճարտասանութիւն  
կամ դառնութիւն լցուած սրտի:

Պ. Մանանդեանի փաստերը, խօսենք մեղմ,  
այնքան փխրուն են, որ ոչինչ չեն աւելացնում,  
ոչինչ հիւթ չեն բերում այն լոկ տեսական թե-  
լադրութեան թէ հաւանական է որ Հայաստա-  
նում եւս ճորտանման վիճակ եղած լինի:

Պ. Մանանդեան սկսում է խուզել այդ հա-  
ւանականութիւնը, ասելով, որ ճորտութիւնը  
համատարած երեւոյթ չէ եղել ոչ էլ ամէն տեղ  
միակերպ եւ նոյնանման, այլ որ զանազան  
վայրեր ունեցել են իրենց առանձնապատկու-  
թիւնները: Պատրաստ է անգամ թոյլ տալ որ  
ճորտերի կից լինէին եւ ազատ գիւղացիութեան  
մնացորդներ:

Առանձնապատկութիւնների գոյութիւնն ա-  
պացուցանելու համար վկայութեան է կոչում  
Խորենացին, հակառակ իր կամքին: «Գիւղից  
եւ դաւառաց եւս ի իւրաքանչիւր տանց ա-  
ռանձնակաւուքեանց եւ հանուրց հակառակու-  
թեանց եւ դաշանց այժմ առ մեզ գտանին ան-  
բաւ զրուցաց մատենք, մանաւանդ որ ի սեպ-  
հական ազատութեան պայազատութիւն»: Որո-  
նելի առանձնապատկութիւնները Պ. Մանանդ-  
եան գտնում է ընդգծածս առանձնականու-  
թեանց մէջ:

Սակայն Պ. Մանանդեան, ինչպէս միշտ,  
հաշիւ չէ տալիս իր մեկնութեան հետեւանքի  
մասին: Յիրաւի, գիւղերը, գաւառները եւ  
տները ինչու պիտի վէճի բռնուէին իրենց ա-  
ռանձնապատկութիւնների առթիւ: Առանձնա-  
պատկութիւն ասածը բնական խորոց է, մի  
տեսակ noli me tangere, որ ընդհարման առիթ